

Plau

1. Strophe

Ich lauf eso durch d stadt amne ganz normale tag
Dänk an garnüt usser fraue und seh eini wonich mag
Und ich gang denn uff sie zue und ich weiss ich bi parat
Ha der gürtel hüt poliert und dä glänzt wiene smaragt
sprich se fründlich a und säg weischmer könnte doch
Uff e sprung döt über d stross ufe kaffi oder so
Und ich sezt mi lächle uff und ich lueg se frogend a
Und sie seit „nei lieber nit!“ jo supper
Hey baby dasch di chance und zwar jetz par exelence
Weisch ich fahr doch uff dich ab wie der lance ufd tour de france
Und mi härz isch riese gross wiene rote luftbaloon
und ich lon ihn für dich stiege und ich hiev dich ufe tron
du bisch doch mi prinzässin mini zuckersiessi liebi
und drum wart nit ufe nägschti ich möcht mit dir küsse iebe
und ich setz mich näbe sie und ich lach sie frogend a
und sie seit „nei lieber nit“ ah verfickti scheisse

Refrain:

ich stell dich mine eltere vor sin luschtigi persone
und sobald mir in de ferie sin wirsch dich scho erhole
also chum wider zu dir baby worum seisch du mir
eifach nei lieber nit
ich weiss du bisch nervös liebbling lo mi eifach mache
denn sobald mir zämme wohne wärde mir do drüber lache
also chum wider zu dir baby worum seisch du mir
eifach nei lieber nit

2. Strophe

hey chica wasch s problem stosch uf latin oder was
bine maa mit tämprament ha sand vo cuba imne glas
und ich schänk dir hundert rose obwohl ich bi allergisch
doch nimm s risiko kauf bin e druffgänger du merksches
gang täglich ins solarium brün mi und zwar mehrfach
lo mer d hoor für dich wachse wie der antonio banderas
und ich nimm mir ihri hand und ich schiel se frogend a
und sie seit „hau ab du freak“ öh wie bitte?
Aha ich has kapiert du bisch wild wiene raubtier
Und du zeigsch mer dini chralle aber eigentlich bisch lieb
Aber okay ich spiel mit dämfall bin ich e grosse jäger
Und schlich mich an dich ah uf liese sole wiene tiger
Betäub dich mit mim blick und ich chnü mich zu dir nieder
Denn kämpfe miemer nit mer kenne beidi scho der sieger
Form d finger wiene chralle und fauch se lieslig a
Und sie seit „hau ab du freak“ hehe was!?

Refrain:

ich stell dich mine eltere vor sin luschtigi persone
und sobald mir in de ferie sin wirsch dich scho erhole
also chum wider zu dir baby worum seisch du mir
eifach hau ab du freak
ich weiss du bisch nervös lieblich lo mi eifach mache
denn sobald mir zämme wohne wärde mir do drüber lache
also chum wider zu dir baby worum seisch du mir
eifach hau ab du freak

3. Strophe

aha velicht eso: „madame vous êtes tellement belle
j’aimerais craquer votre coeur vous etes douce(dus) comme le miel
und au äh wie heisst das wort aha genau „la liaison“
was heisst do eher nit? Verdammt was lauft! ich mein „pardon?“
das isch doch nit di ärscht ich mein hallo das bin ich
cha fraue ha du glaubsch es nit doch das moll will ich dich
und ich stand wieder uff und ich schmoll se echli a
und sie seit äntlich kapierschs!
Ich kapiert grad garnüt aber ich ha sone ahnig
Unsi beziehig keiht ins wasser wie im liebesfilm titanic
Es tuet mer leid für dich und ich weiss au dass es schwer isch
Aber ich muess dich verlohn so wiene zimmer ohni meerblick
und probier erscht garnit mich mit träne z erprässe
Du muesch jetz eifach stark sie und versueche mich z vergässe
Ich trei mi um und gang lauf der stross witter entlang
Und khör no „äntlich kapierschs“